

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA

KANTONALNI SUD U NOVOM TRAVNIKU

Broj: 51 0 P 127597 21 Gž 2

Novi Travnik, 23.11.2021. godine

Kantonalni sud u Novom Travniku, u vijeću sastavljenom od sutkinja Mirjane Grubešić, kao predsjednice vijeća, Suade Kahrić i Alme Islamović, kao članova vijeća, u pravnoj stvari tužitelja A.B., iz T., ..., koga zastupa punomoćnik Mesud Duvnjak, advokat iz Bugojna, ul. Sultan Ahmedova - Mlin, protiv tuženog „Olip-Bosna“ d.o.o. Travnik, ul. Tvornička bb, Travnik, koga zastupa punomoćnica Pamela Nikić, stručna suradnica u zajedničkoj advokatskoj kancelariji Babić Nedžada i Babić Sanjina iz Zenice, ul. Masarykova broj 17, radi naknade štete, vrijednost spora 6.668,37 KM, odlučujući o prijedlogu tužitelja za ispravku greške izjavljenom na presudu Kantonalnog suda u Novom Travniku, broj: 51 0 P 127597 21 Gž 2 od 21.09.2021. godine, u sjednici vijeća održanoj dana 23.11.2021. godine, donio je sljedeće:

RJEŠENJE

Ispravlja se greška u presudi Kantonalnog suda u Novom Travniku, broj: 51 0 P 127597 21 Gž 2 od 21.09.2021. godine, tako što u izreci presude na stranici 1, u stavu prvom umjesto „za period od 01.01.2015. godine“, treba da stoji „*za period od 01.09.2012. godine*“ na taj način izreka presude u stavu prvom treba da glasi:

„Obavezuje se tuženi da tužitelju isplati na ime izgubljene zarade utvrđeni ukupni iznos od 3.922,28 KM, *za period od 01.09.2012. godine do 24.04.2014. godine*, na način da mjesečni iznos od 98,06 KM isplati počev od 01.01.2015. godine sa zakonskom zateznom kamatom od dana dospijeca svake pojedinačne rate sve do konačne isplate, a sve u roku od 30 dana od dana dostave presude, a sa viškom preko dosuđenog iznosa se odbija kao neosnovanim“

U ostalom dijelu presuda ovoga suda ostaje neizmijenjena.

Obrazloženje

Presudom ovog suda, broj: 51 0 P 127597 21 Gž 2 od 21.09.2021. godine, odlučeno je:

Žalba tužitelja se djelomično uvažava, presuda Općinskog suda u Travniku, broj: 51 0 P 127597 19 P 2 od 15.10.2020. godine, preinačava i sudi:

I

Obavezuje se tuženi da tužitelju isplati na ime izgubljene zarade utvrđeni ukupni iznos od 3.922,28 KM za period od 01.01.2015. godine do 24.04.2014. godine, na način da mjesečni iznos od 98,06 KM isplati počev od 01.01.2015. godine sa zakonskom zateznom kamatom od dana dospijeca svake pojedinačne rate sve do konačne isplate, a sve u roku od 30 dana od dana dostave presude, a sa viškom preko dosuđenog iznosa se odbija kao neosnovanim.

II

Potvrđuje se prvostepena presuda u drugom stavu izreke u kome se odbija tužbeni zahtjev tužitelja da se obaveže tuženi da ubuduće isplaćuje mjesečni iznos na ime izgubljene zarade-rente od 98,06 KM, počev od dana donošenja presude i to od 01. do 10-og u mjesecu za prethodni mjesec, dok ova obaveza bude po zakonu trajala ili ne bude zamijenjena drugom odlukom.

Tuženi je dužan tužitelju nadoknaditi troškove parničnog postupka u iznosu od 923,00 KM.

Odbija se tuženi sa zahtjevom za nadoknadu troškova sastava odgovora na žalbu u iznosu od 526,50 KM, kao neosnovan.

U ovaj suda dana 15.11.2021. godine zaprimljen je podnesak tužitelja u kome se traži ispravka presude u stavu prvom izrade za određeni vremenski period (01.01.2015. godine do 24.04.2014. godine) do koga je omaško došlo do očite tehničke greške, te predlaže ovom sud da se ista otkloni donošenjem rješenja o ispravci.

Ispitujući osnovanost dostavljenog podneska, ovaj sud je ustanovio da su tačni navodi tužitelja i da je prijedlog za ispravku izreke presude u stavu prvom osnovan, jer je greškom u kucanju umjesto „period od 01.01.2015. godine do 24.04.2014. godine“..., treba da stoji „period od 01.09.2012. godine do 24.04.2014. godine“....

Budući da se radi o očitij pogrešci prilikom izrade sudske odluke, to je u smislu odredbe člana 195. stav 1. Zakona o parničnom postupku Federacije BiH, valjalo odlučiti kao u izreci ovog rješenja.

Predsjednica vijeća
Mirjana Grubešić

Dna:

1. Rješenje o ispravci presude ovog suda u 4 ovjerena prijepisa za sud i stranke uz dopis dostaviti Općinskom sudu u Travniku.
2. Rješenje snimljeno u CMS.
3. Zapisnik o vijećanju i glasanju zatvoriti u poseban koverat.
4. Rješenje snimljeno na podfolder: Ispravka rješenja

Novi Travnik, 23.11.2021.godine

Ev. , 31.12.2021.godine

Sutkinja
Suada Kahrić

Predsjednica Građanskog odjela
Mirjana Grubešić